

**Вторник пятыя седмицы.  
На шестом часе.**

**Тропáрь прорóчества, глас 3:**

**Застúпник наш Бог Иáковль, и Защи́титель есть в день печáли.**

**Слава, и ныне: тойже.**

### Прокімен, глас 6:

Нищ есмь аз, / и в трудѣх от юности моея. **Стих:** Гóсподи Бóже спасѣния моего, во дни воззвах и в нощи пред Тобóю.

Пс 87:16А, 2

### Прорóчества Исáиина чтѣние.

Тако глаголет Господь: кому уподобисте Гóспода, и коему подобию уподобисте Егó? Еда образ сотвори древодѣлатель, или златарь слив злато позлати егó, или подобием сотвори егó? Древо бо негниющее избирает древодѣлатель, и мудре ищет, како поставит образ егó, и да не поколеблется. Не разумѣте ли, не слышасте ли, не возвестися ли вам исперва? Не разумѣте ли основания земли? Содержай круг земли и живущия на ней, аки пруги, поставивый небо, яко камару, и простер е, яко скинию обитати. Дай князи, аки ничтоже, владети, и землю, аки ничтоже сотвори. Не насадят бо, ниже насеют, и не вкоренятся в земли корение их, дхне на них ветер и исхоша, и буря, аки стѣблие возмет их. Ныне убо кому Мя уподобисте, и вознесуся, рече Святый? Возрите на высоту очима вашима и видите, кто сотвори сия вся? Носяй по числу утварь Свою, и вся по имени прозовет от многия славы, и в державе крепости Своея ничтоже утайся от тебе. Еда бо речеши Иакове, и что глаголал еси Израилю? Утайся путь мой от Бога, и Бог мой суд отъя и отступи. И ныне не уразумел ли еси, ни ли слышал еси? Бог вечный, Бог устроивый концы земли, не взалчет, ниже утрудится, ниже есть изобретение премудрости Егó. Дай алчущим крепость и неболезненным печаль. Взалчут бо юнейшии и утрудятся юноты, и избраннии не крепцы будут. Терпящии же Гóспода изменят крепость.

Ис 40:18-31

### Прокімен, глас 6:

Блажени людие, / ведущии воскликновение. **Стих:** Гóсподи, во свете лица Твоегó пойдем.

Пс 88:16

### Вторник пятыя седмицы. На вечерни.

### Прокімен, глас 4:

Гóсподи, прибежище был еси нам / в род и род. **Стих:** Прѣжде даже горам не быти, и создатися земли и вселенней, и от века и до века Ты еси.

Пс 89:1, 2

### 1. Бытия чтѣние.

Бысть слово Господне ко Авраму в видении нощию, глаголя: не бойся Авраме, аз защищаю тя, мзда твоя многа будет зело. Глагола же Аврам: Владыко Гóсподи, что ми даси? аз же отпускаюся безчаден, сын же масек домочадицы моея, сей Дамаск Елиезер. И рече Аврам: понеже мне не дал еси семене, домочадец же мой наследник мой будет. И абие глас Господень бысть к нему, глаголющий: не будет сей наследник твой, но иже изыдет из тебе, той

бўдет наслѣдник тебѣ. Изведѣ же егѡ вон и речѣ емѹ: воззрѣ на нѣбо, и изочтѣ звѣзды, аще возмѡжеши исчестѣ я. И речѣ: тако бўдет сѣмя твоѣ. И вѣрова Аврамъ Бѡгу, и вменѣся емѹ в правду. Речѣ же к немѹ: Аз есмь Бог изведѣй ты от странѣ Халдѣйскія, яко дати тебѣ зѣмлю сию наслѣдствовати. И речѣ: Владѣко Гѡсподи, по чесомѹ уразумѣю, яко наслѣдити ю имамъ? Речѣ же к немѹ: возмѣ Мне юницу трилѣтну, и козу трилѣтну, и овна трилѣтна, и гѡрлицу, и гѡлубя. Взя же он вся сѣя и разделѣ я на полы, и положи я противолѣчна едина к другѡму, птиц же не разделѣ. Слетѣша же птѣицы на телеса растѣсаная их, и сѣде близу их Аврамъ. Заходящу же солнцу, ужас нападѣ на Аврама, и се страх темен вѣлий нападѣ нань. И речѣно бысть ко Аврамѹ: вѣдый увѣси, яко пресѣльно бўдет сѣмя твоѣ в землѣ не своѣй, и поработят я, и озлобят я, и смирят я лет четыреста. Языку же, емѹже поработают, суждѹ Аз; по сих же изыдут сѣмо со имением многим. Ты же отыдеши ко отцѣм твоимъ в мѣре, препитанъ в старости добрей.

Быт 15:1–15

#### Прокімен, глас 4:

Живѣй в поможѣ Вѣшняго, / в кровѣ Бѡга Небѣснаго водворѣтся. **Стих:** Речѣт Гѡсподеви: Застѹпник мой еси.

Пс 90:1, 2А

#### 2. Прѣтчѣй чтѣние.

Устнѣ мѹдрѣхъ связѹются чѹвствомъ, сердца же безѹмныхъ не твѣрда. Жѣртвы нечестѣвыхъ мѣрзость Гѡсподеви, обѣты же правоходящихъ прѣятны Емѹ. Мѣрзость Гѡсподеви путиѣ нечестѣвыхъ, гонящія же правду любит. Наказаніе незлобиваго познаѣется от мимоходящихъ, ненавидящія же обличѣнія скончаваются срамно. Ад и пагуба явна предъ Гѡсподемъ, како не и сердца челоѣковъ? Не возлюбитъ ненаказанный обличающихъ егѡ, с мѹдрыми же не побесѣдует. Сердцу веселящуся, лице цветѣт, в печалѣхъ же сѹшу, сѣтует. Сердце право ищетъ чѹвства, уста же ненаказанныхъ уразумѣютъ злая. На всяко время очи злыхъ прѣемлютъ злая, добрии же безмѡлвствуютъ прѣсно. Лучше частѣца малая со страхомъ Господнимъ, нежели сокровища вѣлія без боязни. Лучше учрежденіе от зѣлій с любовью и благодатию, нежели представленіе тельцевъ со враждою. Муж ярый устраѣетъ брани, долготерпеливый же и бѹдущую укрѡщаетъ. Терпеливый муж угаситъ суды, нечестѣвый же воздвизаетъ паче. Путиѣ праздныхъ поствлани терниемъ, мужественныхъ же углаждени.

Притч 15:7–19